



樂閑

北南呂一枝花

常尋灞岸梅。靜理桐江竹。厭看青

瑣論。懶上皂囊書。心古形臞。但身在貧無慮。喜年豐

賦有餘。愁的是搜尋着幾遍。徵宣追趕着三番薦

舉。

梁州第七

喜泉水暗通蔬圃。愛雲山正對茆廬。客

來山鳥頻驚懼。新收野果。舊釀佳醕。宜時嫩蕨。墜釣

鱸魚。肚皮寬儘自粧愚。眼睛高不肯容俗。服青精煉

丹砂。修養天和。買耕牛。鎔寶劍。消磨英武。卸烏紗。戴

綸冠。學盡村夫。假鶩詐魯。傲襟懷。不入時人目。耻趨

長樂西

權陋阿富。習就林泉禮法。踈。豈待別圖。

煞尾 枕琴聽雨。湘簾簌。信步看花短杖扶。有時節
爛醉歸來近薄暮。蘆花被欵鋪。任勦勦睡足。強似您
午夜鐘聲。廝催促。

勸子弟收心

北越調鬪鶴鶉。往常時伴了些朱履瓊簪。乘了些雕
鞍俊馬。走了些月館風亭。臥了些重裯繡榻。醜嘴臉
粧狐。喬模樣做假。則爲您書不通禮。不達到如今門
徑兒蕭條。房廊兒倒塌。

紫花兒序。赤紫的麗春園用不的莽壯。富樂院哭不

的貧酸。鳴珂巷告不的消乏。也是你椿椿兒弄醜。件
件兒爲差。嗟呀。那無轉動的錢財。可又不勾花。早難
道丈夫聲價。參不的冷臉兒婆婆。見不的可意見冤
家。

小桃紅 中年無計作生涯。流落他人下。尚兀自留

戀當時枕邊話。不防他多情耻。咲知音罵。待去呵青
蚨。又夢撒不去呵。寸心又牽掛。沒來由情緒亂如麻。

調笑令 占定着小娃。止不過弄奸猾。又無甚筆吐

江淹夢裡花。咲你箇空拳未肯甘心罷。翠紅鄉拚死
行踏。

禿廝兒。見相識免不的推隴做啞。遇姨夫使不的利齒伶牙。將你那行藏靜中明鑑察。無分福享奢華。井底之蛙。

聖藥王。金不想你囊已乏。他價轉加。痴心兒終日望。巫峽。我非是廝逼債。待把他相救拔。好將那些須資。本手中拿。哥哥。你省可裡念頭差。

隨煞。我則怕宣揚的你棚。拽風聲大。我勸你且寧奈。些時暫煞。待你那運通呵慢慢的腆脯兒行。饒廣呵。慙慙的放心兒耍。

效楊景言一點情牽體

北中呂粉蝶兒。冷雨梧桐。破梨雲半床香夢。翠屏深燭影。搖紅酒邊愁。花底恨。一時間牽動。間阻匆匆。夜迢迢枕衾誰共。

醉春風。難打捱枕衾寒。怎支吾更漏永。今生若得。逐于飛。我把你來寵。寵佛也似皈依。命也似惜愛。玉也似珍重。

院東。叫聲。邂逅得相逢。兩情兩情秋波送。淡月鞦韆小。別銀燈。附着耳低低的過從。舉着案謙謙的陪奉。

他將我美名兒已向心苗裏種。特地裏啞謎也似包。

籠顧不的蜂蝶咲。倩是麼魚鴈通。也是情濃來意濃。
蔓青菜。他愛我能吟咏。我愛他不凡庸。擔定着怕
恐。因此上打不開分不散。兩情同想註下山海似姻
緣重。

快活三。你若是真真的有始終。實實的肯姑容。你若
甘心不厭我愚蒙。不枉了我常稱誦。

鮑老兒。我爲他。搵雨携雲少定踪。被了些人譏諷。他
爲我。戴月披星苦用功。受了些人搬弄。若是他同我
同文君之分。司馬之風。管取他心我心。生前厮守。死
後相從。

尾聲。好音也。旣通。深恩也已蒙。有一日。雙雙穩跨
秦臺鳳。把玉觴親奉。笙歌春醉錦堂中。

冬閨怨別

北中呂粉蝶兒。三弄梅花。戍樓中角聲吹罷。月輪
兒斜照窗紗。托香腮。湮淚眼。一篝燈下。展轉嗟呀。耳
邊言都做了。一場閑話。

南泣顏回。薄倖忒情雜。不比尋常戲耍。出門容易。
而今海角天涯。歸期歲晚。轉頭來過了春和夏。去時
節霜老芙蓉。却又早水冷蒹葭。

北石榴花。我只向綠窗前斷送了。好年華。許多時脂

粉不會搽。九迴腸。番倒的越。下狹。幾乎間害殺。鬼病
增加。一會價。告蒼穹。問個龜兒卦。不明白。甲乙交叉。
猛然間。拈起香羅帕。肯分的繡。一朵並頭花。

南泣顏回。奸猾。心性最難拏。瞞人俐齒伶牙。悠揚
不定。猶如風裡楊花。千思萬想。您從來色膽天來大。
恐習學竊玉偷香。塘突了相府高衙。

北鬪鶴鴉

惡離別動歲經年。又不比些時暫霎。恨壓

損眉黛。雙彎。瘦減盡腰肢一把。我這裡暮暮朝朝想
念他。他何曾記掛咱。不能勾碧漢乘鸞。只落得垂楊
繫馬。

南撲燈蛾

恩情如擗沙。清苦似嚼蠟。知他在那廂

佯笑臉。虛擔着許多驚怕。也不須尋消問息。到頭來
終有個還家。風流罪招由細數。從頭兒一樁一件細
詳察。

北上小樓

我自來無玷瑕。他從來知禮法。平白地受

盡淒涼。擔着寂寞。遭此折罰。眼見得漏泄銅龍聲喧
鐵馬。香消金鴨。最難熬暮冬殘臘。

南撲燈蛾

風兒颼颼亂刮。雪兒紛紛密洒。淒淒的

鳳枕單。沉沉的鴛帳冷。薄設設的繡衾寒。壓灼灼的
銀燈爆花。嗚嗚的城上吹笳。瑟瑟的殘更正煞。呀呀

的曉天啼散樹頭鴉。

北餘音 文君再把香車駕。只恐琴心調弄差。反與相如做話巴。

賞雪

北越調鬪鶴鴉

靜沉沉繡戶重關。寒凜凜氈簾半

簌。清雅雅翠幙低垂。光閃閃銀屏欵簇。韻悠悠品竹調絲。花撲撲呈歌按舞。這壁廂捧玉觴。那壁廂倒玉壺。擺列開綺席瓊筵。粧點就華堂錦屋。

紫花兒序

畫闌側梅香馥郁。雕簷畔鐵馬丁東。遙

天外雪意模糊。有麝蘭金鼎。獸炭紅爐。歡娛滿飲羊

羔不用沽。平壓倒党家豪富。笑喑喑粉面相迎。醉醺醺玉手相扶。

小桃紅

一天風雪歲將徂。四野彤雲布。滾滾梨花

間飛絮。景蕭疎。光芒萬頃迷吟目。漁舟遠浦。樵人歸路。巧手細臨摹。

鬼三台

聲浙浙敲窗戶。白茫茫迷津渡。呀。平墊了

梅溪竹塢。萬蕊綴焦枯。正朱闌笑撫。望江天幾峰雲外孤。看江湖一禽形影無。都道是上國禎祥。誰肯念閭閻病苦。

金蕉葉

孫康巷蓬窗罷讀。袁安宅柴門緊堵。子猷

棹山陰半途。韓愈馬藍關道阻。

調笑令 我這里擁爐任歡呼。呀。十二金釵列畫圖。撚霜毫細和梁園賦。謝娥詩再詠重續。欸舒開彩箋。紅袖拂喜孜孜。一覓催促。

禿廝兒

秦弄玉天生媚嫵。許飛瓊巧樣粧梳。杜樊川自來官况踈。調燕友戲鶯雛。伎倆滑熟。

聖藥王

休道是太尉俗禮法。粗醉昏昏終日飲。屠酥。您學士迂。興味孤。冷清清看定個煮茶爐。樂事一星無。

青山口

景物景物壯

皇都喜昇平。今再覩飲足興足老狂夫。得清閑真分福。來春蝗蝻無。豐年二麥熟。看那雪滿平湖。雪阻長途。暮冬淒更楚。凍合冰壺。高低膩粉塗。分明素練鋪。煖閣氈氍。錦帳流蘇。只恐怕良宵易度。芳宴重開。更燒燭。

隨煞

吟成賞雪觀梅句。梅五出。滕神六出生平。一片歲寒心。只與梅花做賓主。

小令

贈隱士二首

北馬兒落帶過得勝令。狂將綠蟻斟。醉把瑤琴枕。

柴門迎送無艸閣從容甚。○鷗鷺識開心湖海少知音。身在惟憂病途窮只苦吟。春深細雨紅桑椹花冷殘陽語翠禽。

堪同阮籍狂更比陶潛強無錢不外求有策何曾上。○跳出是非場學得保生方。詩酒雙白眼乾坤一野航。江鄉細雨鷗波漲篷牕荷花午夢香。

春情 二首

北鴈兒落帶過得勝令。一箇風流蘇小仙。一箇俊俏雙知縣。一箇烏紗宮錦袍。一箇粉腕黃金釧。○一箇常費買花錢。一箇不上販茶船。一箇醉眼方教露。一

箇春心未肯傳。一箇尊前半掩香羅扇。一箇花邊低垂白玉鞭。

我的詩何曾半字差。他的俏果抵千金價。他堪齊蘇小肩我不在相如下。○我的詩轉味轉堪誇。他的俏越看越無瑕。他梳掠皆宮樣。我詞章學大家。憑咱幾句兒知心話。感他一枝兒解語花。

贈妓

北脫布衫帶過小梁州。印春泥三寸金蓮。訴春情十四冰絃。蹙春恨雙蛾翠淺。舞春風一圍紅顫。○端的是占斷梨園第一仙。堪羨堪憐。杏花籬落晚風前。

初相見馬上墜吟鞭。○多情果遂于飛願。俏劉郎又到桃源。看了你楊柳腰芙蓉面。我則待真心見留戀。你是必休走上販茶船。

四時閨怨

南二犯江兒水。減盡了花容月艷。重門常是掩。正東風料峭。暮雨廉纖。落紅千萬點。香串懶重添。針兒怕待拈。瘦骨崑崑。鬼病懨懨。將他這舊恩情重點檢。愁壓損。兩眉翠尖。恐惹得張郎憎厭。這些時對鶯花不捲簾。

靜悄悄槐陰庭院。芭蕉心乍展。見鶯黃對對。蝶粉翻

翻。盼情人天樣遠。高柳噪新蟬。清波戲彩鴛。行過欄前。坐近池邊。只聽得是誰家唱採蓮。急攘攘愁懷萬千。拈起柄香羅團扇。恰寫着阮郎歸詞半篇。

捱過了炎蒸天氣。新涼入繡幃。怪燈花相照。月色相隨。影伶仃。訴與誰。征鴈往南飛。鴈歸人未歸。想像腰圍做就寒衣。不知道他如今在那里。全無有真實信。息倩一個行人稍寄。又恐怕路迢迢衣到遲。

幾遍把梅花相問。新來瘦幾分。笑香銷容貌。玉減精神。比花枝先病損。繡被與重裊。爐香夜夜熏。着意溫存。斷夢勞魂。只恁般睡不安眠不穩。枕兒冷燈兒又

昏獨自箇和誰評論。百般的放不下心上人。

漁隱 四首

北小梁州 白鷗磯畔一漁家。湖海生涯。風波日日任從他。無驚怕。隨意泊蒹葭。○船兒止有些娘大載。西風兩岸蘆花薄暮時。收綸罷。一篝燈下。兒女笑呷呷。

白鷗磯畔一漁船。浪跡年年。半鈎香餌夕陽邊。江如練。釣破水中天。○斜風細雨尋常見。任夷猶西塞山前。被那楊柳烟桃花片。春來幾遍。迷入武陵源。白鷗磯上一漁簑。萬頃滄波。閑中歲月自消磨。無灾

禍終日扣舷歌。○瓦盆新酒。芻香糯。釣將來箇箇魚活。篷底眠。船頭坐。那三台八座。比俺是非多。

白鷗磯上一漁竿。綠水青山。秋風輕捲釣絲還。黃蘆岸。細雨短蓑寒。○紅塵半點無羈絆。喜山妻稚子相看。董卓權韓侯患。利名公案。欸乃一聲間。

閨情 十二首

北小梁州 碧紗窗外月兒低。玉漏遲遲。蘭香燒斷冷金猊。難成寐。花影覺頻移。○青燈一點空相對。靜曉曉四面屏幃。眉上愁。腮邊淚。春來憔悴。惟有燕鶯知。

碧紗窗外月兒高。秋到芭蕉。和衣剛得眼合着。誰驚
覺。化底一聲簫。吹來總是相思調。把閑愁喚上眉
梢。展轉聽傷懷抱。粉香花貌。一夜爲君消。

碧紗窗外月兒明。一片秋聲。芙蓉屏底暮寒生。愁難
聽。落葉走空庭。坐來轉覺傷孤另。冷清清。怎捱長
更。一捻腰。十分病。燈前瘦影。越看越伶仃。

碧紗窗外月兒斜。忽的雲遮。西風吹散枕邊蝶。如年
夜。心緒不寧貼。侍兒休把燈吹滅。端溪硯水再添
些。紫兔毫丹楓葉。玉纖輕捻。和淚寫離別。

碧紗窗外月兒圓。玉鏡高懸。清光依舊似年前。人不
見。憔悴對花眠。柔腸九曲思量徧。問東風桃李無
言也。不索書寄鴻。詩題扇。終朝寫怨。自有錦箏絃。

碧紗窗外月兒歪。門掩蒼苔。玉釵敲斷未歸來。凭闌
待。黃犬信音乖。東風細細吹裙帶。露華涼沁透官
鞋。夜轉迢愁偏殺。竹吟清籟。錯當履聲猜。

碧紗窗外月兒孤。兩兩啼鳥。枕寒衾剩夜何如。愁難
度。風露下高梧。秋聲苦把人欺負。但合眼好夢全
無。整翠鬟。開朱戶。瑤階徐步。惟賴影兒扶。

碧紗窗外月兒昏。滿地春雲。杜鵑喚醒海棠魂。寒時
分。強把翠衾溫。天涯久絕鱗鴻信。耳邊廂盟誓空

存舊日愁。新來恨。眉峰一寸。常是爲君顰。

碧紗窗外。月兒陰。香霧沉沉。一尊花底少知音。時時
恁幽恨。苦相侵。○翠幃錦帳難拘禁。戰兢兢一點春
心。枕與衾。淒涼甚。兩般兒爲您。相守到如今。

碧紗窗外。月兒纖。怕捲珠簾。薄寒今夜覺重添。臨鸞
鑑。羞點翠蛾尖。○一身苦把淒涼占。捱不出鬼病慳
慳。卦兒交。燈兒焰。全無靈驗。今後不須占。

碧紗窗外。月朦朧。撞罷昏鐘。雲屏翠幙幾重重。寒猶
重。滿院落花風。○枕衾長夜無人共。陡然的褪粉銷
紅。杜宇聲。驚春夢。把閑愁搬弄。不離曲闌東。

碧紗窗外。月如鈎。薄靄初收。三分春事去難留。新來
瘦。非是爲花愁。○羅衣香冷芙蓉扣。對青鸞幾徧成
羞。臉兒黃。眉兒皺。黃昏時候。無語抱箜篌。

詠燕子

北小梁州 蒲芽尚短柳條長。對語雕梁。滿身披拂
落花香。多情况。風外自雙雙。○還同王謝當年像。咲
江南風景堪傷。朱雀橋。烏衣巷。不勝悲愴。芳艸共斜
陽。

鞦韆

北小梁州 海棠庭院夜初深。結伴相尋。幾回蹴罷

思沉沉。將闌干枕。溜却鳳釵金。○宮鞋每被香泥沁。
慣追陪。柳影花陰。任咲喧。無拘禁。一春狂甚。針線不
關心。

聞杜宇

北小梁州 東風蕩蕩雨霏霏。開到茶蘼。三三兩兩
上林飛。別無意。只道不如歸。○晝長時候多春睡。被
冤家幾徧驚回。只願的。墻兒邊。圍兒內。綠殘紅廢。免
得他傷人啼。

四時閨怨

南一江風 到春來。常是恹恹害。不出簾兒外。甚情

懷。雨驟風狂。綠暗紅稀。花事收拾快。蜂驚蝶又猜。青
春半是苔。一點春何在。

夏初來。長日無聊賴。溽暑徧禁害。小亭臺。並蒂荷花。
交頸鴛鴦。不管離人怪。調朱手倦擡。描鸞眼怕開。黑
海相思債。

到秋來。好月凭闌待。見月深深拜。下瑤階。露濕弓鞋。
涼沁羅衣。風又吹裙帶。孤燈爆絳臺。寒衣想像裁。手
慢并刀快。

到冬來。飛雪簾兒外。呵手勻眉黛。托香腮。白日淒涼。
已到黃昏。一點燈兒在。一更強打捱。三更怎擺劃刻。

刻難支派。

青樓十詠

和徐遵誨題

初見

北折桂令 恰相逢。月正圓時。嬌臉生春。美玉無疵。小髻盤鴉。短釵簪鳳。團扇題詩。眉兒纖畫。兩道彎彎。樣子。口兒香駐。一點淡淡胭脂。花比丰姿。柳比腰肢。贏得風流。惹得相思。

小酌

前腔 瑣銀屏。花影重疊。風景非常。受用全別。麗曲調鶯。錦箏排鴈。綠酒吞蛇。雲鬢亂金釵。墜也。玉山頽。

翠袖扶者。席上驕奢。帳底和協。咲語叮嚀。醉眼乜斜。

沐浴

前腔 小壺天。絕勝華清。半掩紗窗。欵簇雲屏。風細肌涼。泉香玉軟。池煖脂凝。嬌臉潤芙蓉。弄影。翠眉低。楊柳含情。月滿虛楹。露下空庭。緩步蒼苔。咲撲飛螢。

納涼

前腔 蟬香肩。行出粧樓。眉黛雙彎。羅襪雙鈎。珊枕歌寒。素紈裁月。冰簟橫秋。梧葉老新涼。到久。碧天空。大火西流。薄靄初收。院宇清幽。稱良宵正好。歡娛對。西風不索遲留。

臨床

前腔 燭花前携手行來。人世蓬壺。夢裏陽臺。私語偷傳。春心未穩。醉眼方開。非是俺逞大膽。張郎重色。只因您解知音。紅拂憐才。香散書齋。春到天台。咲解羅衫。欵褪弓鞋。

並枕

前腔 並頭花春晚齊芳。未遂于飛。先效頡頏。綠髮連雲。粉腮沾汗。玉股交香。珊瑚小下一雙鳳凰。水晶寒睡兩箇鴛鴦。暗暗包藏。細細度量。被窩中恩愛休提。耳邊廂盟誓難忘。

交歡

前腔 玉肌膚軟襯酥胸。魚水和同。雲雨情濃。漸漸昏迷。低低囑付。欵欵依從。粉腕上香消守宮。翠幃中露沁芙蓉。鬢鬆眼又朦朧。甜唾浸浸。香汗溶溶。

言盟

前腔 告蒼穹。您是聽咱。不願榮華。不為消乏。得遇知音。若非債主。定是冤家。我負心拚着箇投河墜馬。你薄情也。難免帶鎖披枷。莫當媒狎。休使奸猾。天意無私。報應無差。

曉起

前腔 日初紅影射闌干。門外鴉啼。樓上鐘殘。鴛頸將分。香肩並倚。淚眼相看。脚兒重非干步。嬾話兒多。休得心煩憔悴。今番會晤猶難。收拾了酒釀花穠。安排下枕剩衾單。

叙別

前腔 促行裝短劔孤裘。芳草郵亭。細雨江樓。鶯也留人。花也擎淚。柳也含愁。一箇杜羅袖三番勸酒。一箇上雕鞍幾遍回頭。你又溫柔。我更風流。生花揜鳳折鸞分。忽喇八雨散雲收。

風情

北折桂令 翠屏深兩兩紅粧。玉捻就香肌。霧織就仙裳。許盼盼風情。崔鶯鶯聲價。蘇小小詞章。宜貯向楊柳岸春風畫舫。堪立在梨花院夜月迴廊。俊的是容光。俏的是心腸。他也會脚踪兒成就了張郎。夢蒐兒勾引了襄王。

怨別

北折桂令 瑣窓寒燭影搖紅。春意方舒。酒興方濃。三唱鄰雞。數聲殘角。幾杵疎鐘。夢回也珊枕畔烏雲亂擁。人去也玉腕上寶釧微鬆。兩意匆匆。回首西東。一箇寫相思揆斷冰絃。一箇望音書候殺歸鴻。

艸堂寫興 二首

北折桂令 小軒窗閑似蓬萊。處世知幾。獻賦無才。香徑花殘。青尊酒盡。白鴈書來。又添上推不開樓不。動一身詩債。更有那撇不去。丟不寫百種愁懷。且對着萬壑千崖。五柳三槐。一任他夢繞華胥。功著雲臺。
前腔 草堂間雅樂何如。留客茶瓜。遣興琴書。數箇修篁。半池青荇。幾簇紅蕖。有時節。明月底對青尊聽。佳人度曲。有時節。柳陰中拖短杖看稚子。叉魚踈散。無拘俗慮消除。深隱丘阿。笑殺三閭。

幽居協韻

北折桂令 棘籬低直抵碧溪。特地追陪。最喜栖遲。畦裏携黎。磯西寄跡。梅底持杯。洗是非極宜克已。離傾頹委實知幾。意氣誰識。未及夷齊。已類鴟夷。

閨情 二首

北折桂令 掩重門睡損胭脂。被冷紅鴛。香斷金獅。針也慵拈。花也怕戴。粉也羞施。恨只恨帶春來送春去。梁間燕子。怪只怪訴人愁。驚人夢窗外鶯兒。一捻腰肢。消瘦多時。影兒單助起淒涼。病兒沉加上相思。
前腔 枕痕紅界破桃腮。寒透窗紗。塵滿粧臺。病又因循。書又不至。命又合該。百忙里寫幾箇蹉蹊字。測

也難測。赤紫的做幾場鶻突夢猜也難猜。花落花開
有日歸來。務要他謊話兒折辨真實。業錢兒消繳明
白。

四時題情

南普天樂 惱春情鶯和燕。千萬縷垂楊線。去年人
不見看花。問東風桃李無言。愁眉不展。向亂紅深處
送出鞦韆。

柳陰濃榴花放。湘簾捲金鈎上。倦來時獨倚闌干。被
無情惱亂柔腸。蘭舟兩兩。向錦雲堆裡。驚起鴛鴦。
好霜天賓鴻至。無一個閑傳示。尋常病兩日三朝。這

相思無有終時。離人樣子。看黃花消瘦。人比花枝。
怯嚴寒消風韻。呵手將梅花問。孤眠人最怕窮冬。倩
南枝早報先春。飄綿墜粉。任漫天蔽野。休阻行人。

四時題情

南嬌鶯兒 春寒成陣。繡衾誰與溫。枉自換爐薰。可
怪東風連夜。則管通花信。夜長風力緊。教人眠不穩。
我這裡顧影徘徊。又被這一簾花露。遮得個月兒昏。
雙飛雛燕。薰風吹柳綿。荷葉小如錢。正是清和天氣。
初試香羅扇。盆池曲檻邊。一泓寒水淺。却又早庭院
黃昏。我將這玉纖閑戲。掬得個月兒圓。

天街人靜。羅衣風露冷。玉漏已三更。怪底鳳笙何處
吹。做陽關令。梧桐清瘦影。秋蛩鳴露井。幾日來不見
嫦娥。多謝這一星兒螢火。妬得個月兒明。
長更難度。沉沉樓上鼓。清漏響銅壺。無限惱人情緒。
況是年華暮。鼓聲淒又楚。漏聲誰待數。不甫能步出
重簾。肯分的玉梅枝上。添得個月兒孤。

詠香閨十事

桃花扇

北梧葉兒 掩畫燭傳私語。撲飛螢向淺莎。紅暎醉
顏酡。不寫班姬怨。常陪蘇小歌。纖手內更情多。遮護

着櫻唇半顆。

石榴裙

前腔 低護雙鈎襪。輕翻六幅霞。光照守宮砂。烘曉
日迷歌扇。舞春風帶落花。越看着越堪誇。險不把啼
鵲妬殺。

珊瑚枕

前腔 金谷園那曾見。水晶宮不易求。鴛帳裏您爲
頭收腮。斗三更淚。占銀床六月秋。緊抱定下粧樓。拿
一朵紅雲在手。

鴛鴦被

前腔 分並宿池頭影。織合歡帳底紅。常熏染麝蘭
風。舒處也春雲皺。堆時也蜀錦重。喜夜夜有人同。怕
相伴長門漏永。

鳳凰釵

前腔 簪寶髻添宮樣。劃闌干寫怨詞。兩股兒配雄
雌。畫閣內粧成後。翠盤中舞困時。斜壓着小桃枝。腸
斷也蘇州刺史。

鷓鴣帶

前腔 喜交頸和香繡。愛同心稱體裁。兩件兒果奇
哉。綰夜月春無限。散天風麝滿懷。自從那做將來。幾

遍向燈前咲解。

翡翠鈿

前腔 添西子顰時俏。貼韋娘刺處空。香馥馥顛巍
巍。點花露嬌容破。壓春風咲靨低。長記得踏莎歸。失
落在鞦韆月底。

鮫綃帕

前腔 妬織女千機錦。剪吳江半幅秋。說不盡您風
流。霑宿粉春擎淚。帶餘香病裹頭。最喜是捧金甌。掩
暎着芙蓉袖口。

孔雀屏

前腔 草屋底生無分。畫堂中舊有盟。喜金翠甚分
明鎖花霧風前潤。帶春山雨後青。常伴定一檠燈。恨
則恨無人射影。

丁香鈕

前腔 結蓓蕾行行俏。染胭脂箇箇嬌。芙蓉扣半含
着。綰樓帶知肥瘦。傷酥胸可畫描。行坐處用堅牢。切
莫把春心放了。

詠觀音奴

北梧葉兒 南海岸會相見。普陀山舊有名。救苦難
解尋聲。蓮葉黃金座。楊枝翡翠瓶。便有那吳道子畫

難成。水月裏娉婷瘦影。

春夜小集

北醉太平 剪銅荷燭花。烹石鼎茶芽。只喫到垂楊
月轉未還家。半頑來半耍。酒痕湮滿香羅帕。篆烟消
盡黃金鴨。晚涼輕透碧窗紗。拚着箇醉醺醺上馬。

秋日過隱居

北一半兒 山中歲月久埋頭。天上風雲雙袖手。構
得茅堂更有田數丘。這蒼兒最宜秋。一半兒芙蓉一
半兒柳。

秋夜 二首

北清江引 花底轆轤簷外鐵。畫閣清秋夜。窗吟楊柳風。簾捲梧桐月。怕的是酒闌人散也。憶吹簫玉人何處也。立盡梧桐月。裙寬翠帶長。髮解金釵卸。把丹楓葉兒和淚寫。

題情 八首

南醉羅歌 無形無影書難寄。不活不灰病難醫。暮雨梨花近寒食。問陌上人歸未。黛眉羞畫也。只爲誰。羅裙寬掩也。只爲誰。鶯花笑殺人憔悴。鶯啼罷花又飛。安排腸斷送春歸。怕寒怕冷扃朱戶。無情無絮對紅爐。漏點沉沉響銅

壺。好難把長更度。月明窗外。照人影孤。燈花檠上。照人影孤。淒涼萬種和誰訴。魚難覓。鴈又無。年來音信轉蕭疎。

眉兒淡了誰瞅問。被兒閑了自溫存。倚遍闌干望行云。全無有。筒真實信。口傳言語。也不大真。夢中歡聚。也不大真。多應誤落烟花陣。迷歌扇。戀舞裙。共誰相伴倒金尊。

半薰半爇爐香換。半溫半冷繡衾寬。往事攢來萬千般。向靜裡。閑思筭。枕邊私語。蒼天怎瞞。星前盟誓。神明怎瞞。他非我是明批判。量不盡。填不滿。相思黑海

正瀾漫。

冷落冷落鞦韆架。謝却謝却海棠花。遊子經年阻天涯。交變了龜兒卦。相如薄倖。也不似他。王魁短命也。不似他。山盟海誓全不怕。臨行話都是假。此時驕馬繫誰家。

問神問卜全無應。行雲行雨總無憑。好夢將成又難成。珊瑚枕冷鴛衾剩。風飄黃葉。愁人厭聽。聲喧鐵馬。愁人厭聽。情濃那怕心腸硬。星前誓。月下盟。半真半假欠分明。

坐裡臥裡頻顛窸。魂裡夢裡苦追尋。杜宇無端惱芳心。血淚把花梢沁。翠翹金鳳。也不待簪。穠花艷朵。也不待簪。相思更比前春甚。回文句。疊字錦。情多費盡短長吟。

半明半滅燈兒焰。半舒半皺翠眉尖。舊恨新愁兩相兼。分付與咱獨自。憑魚托鴈。霜毫懶拈。描鸞刺鳳。金針懶拈。調朱弄粉。情都厭。簾垂下。門半掩。落花飛絮惹憎嫌。

漁家 六首

北朝天子 趁蘆花晚潮。泊垂楊畫橋。自一種江湖樂。風風雨雨小窩巢。無半點紅塵到。篷底狂歌。槎頭

精言 梨雲寄傷
閑釣對青山長醉倒。足不踏市朝。身厭掛紫袍。誰及
俺漁家傲。

老妻將舵扶。痴兒把棹鼓。那里得人憎惡。分明行在
朝川圖。狎幾點鷗和鷺。簑笠生涯。烟波人物。這家風
無約束。釣秋風巨鱸。倒斜陽酒壺。誰及俺漁家富。
名兒雖淡薄。船兒雖窄小。白眼把公卿傲。瓦盆新釀
謾芻着。一任頑和笑。伏虎權符。封泥宣詔。但來的都
告繳。紫萼美味高。綠簑衣禍少。誰及俺漁家樂。
綠陰陰柳堤。靜巉巉釣磯。終日孤篷繫。綸竿拋却醉
如泥。落一覺齁齁睡。不問得失。不談興廢。把前程明

當黑守龕衣。淡食免奴顏。婢膝誰及俺漁家貴。
知機處許啗。上書時無俺。滄浪水明如鑑。相逢常是
半粧憨。任意把船兒纜。紫綬金章。雕闌朱檻。但題着
驚破膽。喜萼鱸味甘。見塵埃面慙。誰及我娛清淡。
自逃名放形。慣赤脚露頂。怕的是徵書聘。閑來一曲
總昇平。再無甚別歌詠。山寺鐘餘。江豚風靜。擁蘆花
方睡醒。是非又不聽。利名又不爭。誰及我心腸硬。

歸隱 六首

北朝天子 典賣了錦袍。結識上酒瓢。花底吟船頭
釣柴門長。日有僧敲。那里許高軒造。狼虎交雜。風雲

變暴退歸來。誰道早。石崇富易消。范丹貧到老。那一箇長安樂。

齊門缺不彈。太官羊怕餐。功名事誰干犯。花前茅屋兩三間。自有春無限。養客三千。堆金十萬。老先生不掛眼。韓元帥將壇嚴。子陵釣灘。那荅兒無災患。守腴田幾丘。和新詩數首。終日把柴扉扣。是非場裡強抽頭。再不聽東華漏。稚子愚頑。山妻溫厚。喜團團三四口。匡時的飯牛。休衙的種柳。他兩箇誰訛謬。抱一床素琴。愛一川綠陰。醉後把松根枕。閒雲出岫本無心。任來往誰拘禁。滿眼金帛。三公權任。沒多時

相伴恁。驢背上苦吟。菊花前痛飲。他兩箇踈狂甚。園兒內有蔬。田兒中有粟。便是栖身處。尋常烟爨小規模。說甚麼千鐘祿。晉國山河。漢家陵墓。把興亡容易數。咲浮名有無。過流光迅速。留不住烏和兔。傲邵平種瓜。學盧仝煮茶。喜春雨全禾稼。數椽茆屋近鷗沙。志不在陶朱下。詩酒閑情。琴書清暇。放會頑撒會耍。黃金印手拏。瓊林花帽插。禍道有天來大。

江上別意

北朝天子 帶斜陽遠峰。斂晴江斷虹。愁把離人送。半肩行李載孤篷。喜有金昆共。鷗鷺波明。蒹葭露重。

泊垂楊古渡東。又被那撼疎林晚風。破輕烟曉鐘。常
驚起思家夢。

風情 四首

南鎖南枝。腸中熱。心上癢。分明有人閑論講。道他
近日這恩情。又在他人上。要道是真。又怕是謊。抵牙
兒猜。皺眉兒想。

他心順。咱意肯。燈前背人回轉身。我忙裡去偷閑。耳
畔低低問。信口言。還未准。你道過後標。我道見成穩。
他多詐。咱見小。百年兩心難共保。裂紙與焚香。去把
泥神告。枉使心乾。弄巧。他恕過的多。報應的少。

恩情事。休說起。知心古來能有幾。錦陣與花營。受了
些腌臢氣。纔離了他。又撞見你。你見面親。過後悔。

詠妓泥人兒

北水仙子 模兒裏何日印將來。粉作皮膚土作胎。
長街頭擔兒上擔着賣。換了些亂頭髮折股釵。專與
些小兒曹。每日胡歪。那里也捏土焚香拜。那里也肩
輿上扛擡。弄的你不成人。棄在塵埃。

有所思

北水仙子 海棠枝上月兒歪。風細紗窗半扇開。玉
人此夜知何在。他那畫堂中春似海。三般兒不索疑。

猜笑解去熏香羅帶。暗溜了傳情玉釵。羞脫下遺恨
弓鞋。

嘲風月 二首

北水仙子 狠厥丁挖幾處陷人坑。賤妮子拴千條
繫足繩。老處婆使一把無星秤。細尋思心自警。麗春
園單送了惺惺。他人兒多賣。不着您聰俊。口兒甜使
不着您硬挺。意見虛用不着您牢成。

買花錢旋換女娘情。還債簿難勾子弟名。販茶船送
了商人命。眼睜睜猶未醒。提起那三般兒膽戰心驚。
引魂幡。是半方羅帕。迷魂湯。是三杯醪醖。嚇魂臺。是

八扇圍屏。

詠素香囊

北水仙子 素羅新製小香囊。皎皎應同雪色光。一
針針一線線依時樣。傍佳人玉體傍。三般兒比並非
常。沾粉淚似荷擎秋露。依翠袖似蟾籠綠楊。貼相裙
似蝶舞銀塘。

春情集古 四首

南駐雲飛 那值殘春。雨打梨花深閉門。簾幕東風
靜。人遠天涯近。嗒。情思睡昏昏。正愁人。獨出閨門。便
覺閑行悶。今夜休將蘭麝薰。

獨上粧樓萬古情原一樣愁。人比黃花瘦。掩過芙蓉扣。
心唵意兩相投。覺綢繆。月色橫空。人約黃昏後。美
愛悠歡恰動頭。

今夜別離。且盡生前酒一杯。未飲心先醉。多少離人
淚。唵清減小腰圍。兩意徘徊。割肚牽腸。留戀你別無

意。金榜無名誓不歸。

許配雄雌。才子佳人信有之。宋玉愁無二。多少傷心
事。唵顛倒費神思。那人兒。從到京師。無有閑傳示。一
日歸心十二時。

夏景

南駐雲飛。窈窕軒窗。綠樹陰濃夏日長。黃串微風
蕩。小簾波紋漾。唵闌外小池塘。兩兩鴛鴦。十二珠簾
高捲金鈎上。一架薔薇滿院香。

詠崔鶯鶯六首

北泥醉東風。將照影銀燈暫息。把隨身玉珮收拾。
躲着這月色行。揀着這花陰立。喚梅香咲語低低。莫
打夫人睡處回。脚步兒防他認得。

眼腦上恩情易合。心窩裏病症偏多。愛梨花夜月明。
怯楊柳春風大。老夫人展轉防他。自有東牆缺處過。
怕是麼門兒上鎖。

有心的逢着有心。知音的撞見知音。一箇病的來病轉危。一箇愁的來愁仍甚。恨鞦韆院宇深沉。一首新詩一曲琴。單訴着忘餐廢寢。

詩句子時常寄寫。繡針兒怕待湯者。自春風花落時。至秋雨蛩吟夜。惡相思未得寧貼。不是紅娘快嘴舌。怎醫得張郎瘦怯。

待月的佳人命薄。惜花的才子情多。惜花的病怎醫。待月的詩頻和。壞家風都是婆婆。假若當時就鞦合。那里見潛潛躲躲。

倘無信須當退悔。若酬恩不用猜疑。索甚麼茶與紅排甚麼兄和妹。老夫人罪有當歸。女意郎情既可知。又容住牆兒那壁。

贈僧 二首

北泥醉東風。閒經卷常爲伴侶。破袈裟不混塵俗。杖頭將月挂來。鉢內把龍降住。論詩才更有誰如。歸去山中小結廬。又要與白雲做主。

恩與愛登時頓脫。利和名等地消磨。是非場脚不踏。生歿戶拳槌破。趁清風來往呵呵。九載蒲團苦行多。方認得靈光是我。

閑情用轉應體 三首

北沉醉東風。窗外竹低垂鳳毛。澗邊松半偃龍腰。
愛松頭月自來。喜竹底風常到。動吟情竹瘦松喬。竹
傲冰霜志節高。松也把佳盟共保。

美酒兒時。送來新詩兒眼底。須裁酒酬了今日歡。
詩還了當年債。酒和詩次第安排。酒喚蒼頭恁慢釀。
詩不用閑錢去買。

把雲外青山旋買。看青山時被雲埋。山高雲自生。雲
去山長在。喜山青更愛雲白。雲比閑心任往來。山咲
我朱顏易改。

離情用轉應體

一首

北沉醉東風。風細細涼侵碧紗。月團團影混梨花。
月團團人影孤。風細細春寒大。月和風抵死欺咱。風
着羅衣病轉加。月不把離情照察。

芭蕉上蕭蕭雨聲。池塘邊聒聒蛙鳴。雨蕭蕭動客愁。
蛙聒聒供詩興。雨和蛙展轉難聽。雨攪離人夢不成。
蛙又把詩翁喚醒。

詠牡丹

北沉醉東風。籠夜月千機絳紗。舞東風幾簇春霞。
溫泉宮乍浴回。華清殿初粧罷。散天香美玉無瑕。天
寶年中寵愛他。險不把三郎害殺。

詠花柳用轉應體

北沈醉東風 綠柳外雙吟暮蟬。翠荷邊並宿紅鴛。
露荷圓雨濺珠。烟柳細風搓線。花一噴柳正三眠。花
比紅粧色更妍。柳妬殺蛾眉翠淺。

詠骷髏笛

北沈醉東風 那里也伴衰草狐踪兔跡。只管里怨春
風。綠慘紅悽。包含萬古愁。全仗三分氣。把莊周錯認
桓伊。多少時人信口吹。不解把英雄嘆息。

詠蚊蚤

北沈醉東風 一箇巴到晚簷前鬧攘。一箇等的眠床

上輕狂。一箇認肌膚是口食。一箇靠藁薦為家當。遇
明時躲躲藏藏。這厮每尖嘴傷人。狠似狼。喫飽了何
曾見長。

詠桃花比妓

北沈醉東風 照粉面常依綠水。映春風半出疎籬。
助尊前酒暈紅。散扇底歌聲細。露芳心蜂蝶先知。燕
子樓邊望眼迷。啜賺了劉郎是你。

花月志感

北沈醉東風 花正發蟾含半規。月初圓花尚蓓蕾。
月無三五圓。花欠十分媚。想人間好事難齊。及至花

開月又虧。全不與東君作美。

溪隱

北沅醉東風。鋪水面輝輝。晚霞點船頭。細細蘆花。缸中酒似澗。鴈外山如畫。占秋江一片鷗沙。若問誰家是俺家。紅樹裏柴門那答。

春遊

北沅醉東風。拂水百千條柳絲。出墻頭幾箇花枝。推篷看雨後山。沽酒入橋邊市。正江南燕子來時。到處亭臺好賦詩。單少箇吳姬在此。

自述 二首

北沅醉東風。湘簾下輕清簫管。草堂中小可杯盤。對燭花紅春酒香。怕禁鼓停更籌換。與知音坐久盤桓。怪舞狂歌盡此歡。天大事吾儕不管。

青天外蟾光漸低。綠窗前梅影頻移。長存酒共詩。問甚名和利。喜圍爐談笑忘機。三尺龍泉怕去提。似這等人兒有幾。

秋夜

北沅醉東風。庭院悄風搖綠楊。轆轤斷露滴銀床。蛩吟草砌邊。月挂簾鉤上。正人間一半秋光。何處吹簫引鳳凰。側耳向花陰半晌。

閨怨 二首

北沈醉東風。黑黯黯雲遮北斗。響撞撞鐘度南樓。香消翠鼎開。被冷紅雲皺。揆相思絃斷箜篌。一寸眉峰萬種愁。捱不過天長地久。垂柳外低低粉牆。燭花前小小牙床。鎖春寒翡翠屏。藏夜月芙蓉帳。幾般兒不比尋常。回首桃源路渺茫。手抵着牙兒漫想。

贈別 二首

北寨兒令。秋水澄。晚霞明。綠荷半凋。君又行。雲淡山青。江濶潮平。偏助起別離情。還記得載酒船柳下。

會停。寫懷詩。月底會評。倚西風斟別酒。扯羅袖問歸程。聽新鴈兩三聲。

詩旋吟。酒頻斟。黃葉亂飄。秋意深。遠水遙岑。衰草平林。好風景失知音。擁行窩。朱履瓊簪。伴吟身。寶劍瑤琴。片帆辭帝里。匹馬度淮陰。砧敲碎故鄉心。

行舟五詠

詠跳

北滿庭芳。不寬不狹。踏波可愛。溜雨偏滑。扁舟穩繫漁磯下。來往憑他。滴楊柳堤邊露華。接芙蓉岸上晴沙。但躡着風波大。將心來緊把。半步也不宜差。

詠舵

前腔 滄浪遁跡捨之不可用處多奇舟行須賴君
爲最動轉知機經惡浪全無退悔向中流一任來回
勢抵着千鈞力洪濤萬里仗爾可扶危

詠帆

前腔 隨風來往倚雲高掛帶雨斜張紅塵半點難
親傍弄影空江破彭蠡千尋曙光卷西湖十里荷香
烟波上三三兩兩笑殺碧油幢

詠檣

前腔 規模不小與蒲帆作主錦纜爲交生平自有

凌雲操百尺孤高趁來往西風晚潮泊參差落日楓
橋自一種江湖樂棟梁雖好比我不堅牢

詠櫓

前腔 常依小艇驚飛野鳥蕩散浮萍幾回欵乃風
初靜霧渚莎汀亂淮浦波心月明碎潯陽江上潮聲
還記的當年聽篷窗酒醒感起故鄉情

贈友

北滿庭芳 文林老儒惜陰陶侃賣賦相如生平肯
爲功名慮心廣眉舒看山去頻隨杖屨閉門時獨守
琴書幽栖處壺漿自足庭草不教除

風情

北落梅風 更初靜。月漸低。繡房中老夫人方睡。戰
篤速走到三四回。告多情犬兒休吠。

閨怨 三首

北落梅風 七斜病。陡峻愁。怕黃昏月明時候。喚梅
香繡簾休上鈎。恐嫦娥笑人清瘦。

春將去。恨較多。罷金針倚窗閑坐。困將來眼皮兒恰
待合。被黃鸝一聲啼破。

離愁大好。况無斷腸詞。幾回難賦。雨聲兒不知人夢
孤。只管里打窗敲戶。

詠竹

北落梅風 凌霄漢。宿鳳凰。種將來與草堂相傍。月
明一枝幽趣長。斜橫在碧紗窗上。

詠芭蕉

北落梅風 紗窗外。清思加。戰西風翠鸞舞罷。記美
人畫中曾見他。兩株兒在太湖石下。

草堂

北落梅風 梅花帳。瑛竹鈎。兩般兒十分清秀。讀書
人自來懷抱幽。其他的怎生消受。

寫興

北落梅風 粧些咯。撒會頑。走紅塵。委實不慣。醉睜
開一雙天地眼。瞧破了利名公案。

詠背面美人

北落梅風 釵欹燕。髻蟬蟬。懶梳粧。淚湮嬌面。背立
向小桃花樹邊。怕傍人等閑窺見。

客舟

北落梅風 踈林外。綠水涯。客船兒。看來不大。這船
兒不裝人。共馬單載着幾挑書畫。

精訂梨雲寄傲終



